

Bosna i Hercegovina  
Federacije Bosne i Hercegovine  
Kanton Sarajevo  
Skupština Kantona Sarajevo  
n/r g. Elvedin Okerić, Predsjedavajući Skupštine

## **Predmet: ZASTUPNIČKA INICIJATIVA ZA ZAKON O MUZEJU HOLOKAUSTA**

48. Radna sjednica Skupštine Kantona Sarajevo

Poštovani,

u skladu sa Članom 129. Poslovnika Skupštine Kantona Sarajevo ("Službene novine Kantona Sarajevo" broj: 41/12 – Drugi novi prečišćeni tekst, 15/13 , 47/13, 47/15, 48/16, 9/20 i 14/20), **upućujem inicijativu za donošenje Zakona o Muzeju Holokausta u Bosni i Hercegovini i predajem draft zakona predsjedavajućem Skupštine Kantona Sarajevo**

**OBRAZLOŽENJE:** Ova inicijativa koju podnosim nedugo nakon međunarodnog Dana sjećanja na žrtve holokausta koji smo obilježili prošle sedmice predstavlja krunu šestomjesečnog rada neformalne grupe entuzijasta u velikoj mjeri vođene i potpomognute strukom, znanjem i iskustvom historičara holokausta, prof. Dr. Eli Tuberom.

Inspirisani jednoglasnom podrškom svih zastupnika Skupštine Kantona Sarajevo mojoj prethodnoj zastupničkoj inicijativi o osnivanju Muzeja Holokausta u Sarajevu, u proteklom periodu smo aktivno i neumorno radili na pripremi ovog projekta. Iz priložene dokumentacije se može vidjeti da smo izradili draft **Zakona o Muzeju Holokausta u Bosni i Hercegovini**, kao i elaborat, tj. **Studiju o opravdanosti osnivanja Muzeja Holokausta**. Projekt je dobio i zvaničnu podršku **rukovodstva grada Sarajeva**, kao i **Načelnika opštine Centar** u kojoj se nalazi zgrada u kojoj bi bila smještena kolekcija Muzeja, a to je **sinagoga na Mejtašu**, "Il kal di la Bilava" (Hram na Bjelavama) koja je nacionalizirana početkom sedamdesetih godina prošlog stoljeća.

Očekujem od Vlade Kantona Sarajevo da uskladi, upotpuni i otkloni sve nedostatke priloženog drafta i stavi **Zakon o Muzeju Holokausta u Bosni i Hercegovini** u dalju proceduru kako bi ga potom zajednički (uvjeren sam da će to biti jednoglasno) usvojili na Skupštini Kantona Sarajevo i ne samo svojim sugrađanima, građanima Sarajeva, Kantona, Bosne i Hercegovine, već i čitavom svijetu poklonili jedan savremen interaktivni Muzej Holokausta dostojan jedne evropske, multikulturalne, kosmopolitske metropole.

Očekujem i iskreno se nadam jednoglasnoj podršci svih kolegica i kolega zastupnika, svih članova vlade Kantona Sarajevo, kao i cjelokupne javnosti: svih građana, akademske zajednice i medija ovoj inicijativi. Sarajevo je grad koji je jedino adekvatno mjesto za takav muzej, ne samo kao glavni grad BiH, već kao grad u kojem već pola milenijuma živi najveći broj bosanskohercegovačkih Jevreja, i u kojem je, nažalost, stradao najveći broj bosanskohercegovačkih Jevreja za vrijeme nacističke okupacije u Drugom svjetskom ratu

S vjerom i nadom da će Sarajevo, kao rodni grad i dom brojnih Sarajki i Sarajlija iz reda Jevrejskog naroda, kao glavni grad Bosne i Hercegovine koja je bila i ostala domovinom brojnih Bosanaca i Bosanski, Hercegovaca i Hercegovki iz reda Jevrejskog naroda, nakon sedamdeset i sedam godina dobiti adekvatnu instituciju, prostor i način na koji će njego-

vati sjećanje na žrtve holokausta, kao i sjećanje na svijetle i časne primjere čovječnosti Sarajki i Sarajlija, Bosanaca i Hercegovaca u vrijeme holokausta,

Sarajevo, 31.01.2022. godine

Samostalni zastupnik u Skupštini KS

Damir Nikšić